


Hulda Kristjánsdóttir

From: Hrannar Björn Arnarsson <hrannar@adhd.is>
Sent: miðvikudagur, 26. júlí 2023 14:58
To: Sveitarstjóri Flóahrepps
Subject: Erindi frá ADHD samtökunum til sveitarstjóra.
Attachments: Flóahreppur- styrkumsókn 2023.docx

Góðan daginn.

Meðfylgjandi er erindi ADHD samtakanna til sveitarfélagsins með ósk um samstarf um málefni fólks með ADHD og/eða styrk, sem gjarnan má berast til sveitarstjóra. Gott væri að fá staðfestingu á móttöku erindisins og uppl. um í hvaða farveg það verður sett.

Kveðja kær
Hrannar Björn Arnarsson, framkvæmdastjóri



ADHD samtökin
Háaleitisbraut 13
108 Reykjavík
Sími: (+354) 581 1110
Farsími: (+354) 8606890
www.adhd.is

Styrktarreikningur ADHD samtakanna
526-26-405077
Kt. 590588-1059

Flóahreppur
Hulda Kristjánsdóttir, sveitarstjóri
Þingborg
801 Selfoss

Reykjavík, 26. júlí 2023.

ADHD samtökin fagna í ár 35 ára starfsafmæli. Samtökin eru nú skráð sem félag til almannaheilla (fta), hafa starfsleyfi frá Gæða- og eftirlitsstofnun velferðarmála og eru skráð á almannaheillaskrá RSK, sem veitir almennum styrktaraðilum samtakanna rétt til skattaafsláttar.

Undanfarin ár hefur starfsemi ADHD samtakanna eflst gríðarlega, enda greinast stöðugt fleiri með ADHD á Íslandi. Mikilvægur þáttur í uppbyggingunni hefur verið aukin þjónusta utan höfuðborgarsvæðisins en nú eru starfrækt útbú á vegum samtakanna á Akureyri, Vestmannaeyjum, Vesturlandi, Austurlandi, Suðurlandi og á Suðurnesjum.

Útibúum ADHD samtakanna er ætlað að standa fyrir námskeiðahaldi og reglulegum spjallfundum um ýmis málefni tengd ADHD, helst í góðu samstarfi við grunnskóla og félagsþjónustu í sveitarfélögum svæðisins. Markmiðið er að efla félagslegt net og samstarf fagfólks og einstaklinga með ADHD á svæðinu, vinna gegn fordómum og styðja við einstaklinga með ADHD og fjölskyldur þeirra.

Tveggja til þriggja ára bið er eftir greiningum og skortur á þjónustu geðlækna og niðurgreiddri þjónustu sálfræðinga hefur einnig stóraukið þjónustupörfina. ADHD samtökin hafa kappkostað að mæta þessum þörfum, með auknu námskeiðahaldi (fyrir aðstandendur barna með ADHD, fullorðna með ADHD, fjölskyldur, þjálfara, kennara og leiðbeinendur ofl.), auknum stuðningi (spjallfundir, markþjálfun, fræðslufundir, ráðgjöf ofl.) og kröftugra fræðslustarfi (kynningarefni, kynningarfundir, samfélagsmiðlar ofl.). Þjónustan stendur öllum til boða, hvort sem þeir eru í samtökunum eða ekki.

Þá liggur það fyrir að upp 10% allra barna eru með ADHD – greint eða ógreint og í öllum skólum, bekkjum og tómstundahópum eru einstaklingar með ADHD. Auðvelt og mikilvægt er að taka tillit til þessara einstaklinga, hvað sem líður greiningum og oftast en ekki fela lausnirnar í sér betra skóla- og tómstundastarf fyrir alla - ekki bara þá sem eru með ADHD.

ADHD samtökin hafa þróað og skipulagt vönduð námskeið fyrir kennara, leiðbeinendur og fólk sem starfar með börnum með ADHD, sem geta gjörbreytt skóla- og tómstundastarfinu að þessu leiti. Þann fróðleik viljum við að allir grunnskólar og tómstundamiðstöðvar landsins geti nýtt sér, enda verulegur skortur á sambærilegri fræðslu í grunnnámi kennara eða annarra sem vinna með börnum með ADHD, í skóla og frístundastarfi.

Samhliða vilja samtökin ná enn betur til innflytjenda með ADHD, m.a. með þýðingum á ókeypis fræðsluefni samtakanna yfir á ensku og pólsku og námskeiðahaldi og spjallfundum á ensku.

Með bréfi þessu óska ADHD samtökin eftir samstarfi við Flóahrepp um aukna fræðslu og þjónustu í sveitarfélaginu, um ADHD og fyrir fólk með ADHD. Samstarfið gæti verið í formi reglulegs námskeiðahalds fyrir starfsmenn bæjarins sem vinna með börnum með ADHD eða beins styrks við starfsemi samtakanna á svæðinu.

Hver sem leiðin yrði, óskum við með bréfi þessu eftir allt að kr. 250.000,- í styrk, sem nýttur yrði samkvæmt nánara samkomulagi. Við erum sannfærð um að með þessu móti væri hægt að lyfta Grettistaki og stórbæta lífsskilyrði fólks með ADHD og fjölskyldna þeirra í Flóahreppi.

Með bréfi þessu fylgir almenn greinargerð um starfsemi ADHD samtakanna og frekari upplýsingar og samtal um útfærslur verður auðsótt, sé slíks óskað.

Virðingarfyllst,

F.h. ADHD samtakanna
Hrannar Björn Arnarsson, framkvæmdastjóri

Greinargerð um starfsemi ADHD samtakanna

ADHD er að mestu meðfædd taugaþroskaröskun sem yfirleitt kemur fram snemma á æviskeiðinu og getur haft víðtæk áhrif á daglegt líf, nám og félagslega aðlögun en tengist ekki greind. Alþjóðlega skammstöfunin ADHD stendur fyrir „Attention Deficit Hyperactivity Disorder“, helstu birtingarmyndirnar eru athyglisbrestur, hvatvísi og ofvirkni sem einstaklingar sýna í mismiklu magni. Áður fyrr var greinarmunur gerður á athyglisbresti með eða án ofvirkni (ADHD / ADD), en nú á tímum er oftast talað um ADHD eða bara athyglisbrest.

Gera má ráð fyrir að um 20.000 Íslendingar séu með ADHD, greint og ógreint – 13.000 fullorðnir (4-6%) og 7000 börn (7-10%). Því er ljóst að ADHD snertir allmargar fjölskyldur í landinu með einhverjum hætti.

Í ár fagna ADHD samtökin 35 ára afmæli. Samtökin voru upphaflega stofnuð þann 7. apríl 1988 sem Foreldrafélag misþroska barna og það ár voru um 90 félagar í samtökunum, en nú eru félagsmenn yfir 4300 talsins. Ein skráning gildir fyrir fjölskyldu og oftast er ekki annað foreldri/forráðamaður með röskunina og eitt eða jafnvel fleiri börn. ADHD samtökin hafa nýverið fengið skráningu sem samtök til almannaheilla (fta) sem og skráningu á almannaheillaskrá RSK, sem veitir styrktaraðilum samtakanna rétt til skattaafsláttar.

Markmið ADHD samtakanna er að börn og fullorðnir með ADHD og skyldar raskanir mæti skilningi alls staðar í samfélaginu og hafi gott aðgengi að þjónustu sem hefur það að markmiði að hámarka hæfni þeirra og lífsgæði á öllum aldurskeiðum.

Samtökin vinna að markmiðum sínum með því að búa yfir eða eiga í samstarfi við aðila sem hafa framúrskarandi þekkingu á greiningu, meðferð og stuðningi við einstaklinga með ADHD og skyldar raskanir. Þeirri þekkingu miðlum við til hagsmunaaðila með ráðgjöf og öflugum fræðslustarfi ásamt því að sinna markvissri hagsmunagæslu í eigin nafni eða í góðu samstarfi við aðra sem hafa sömu baráttumál á stefnuskrá sinni.

ADHD samtökin eru til húsa að Háaleitisbraut 13 og er skrifstofan opin alla virka daga. Samtökin hafa fimm starfsmenn. Þau halda úti heimasíðu, sjö fésbókarsíðum, hlaðvarpinu Lífið með ADHD, tengjast spjallhópum á Facebook fyrir skilgreinda hópa, standa fyrir fræðslunámskeiðum fyrir foreldra og fagfólk, ungmenni og fullorðna með ADHD, bjóða upp á spjallfund í sjö landshlutum og á netinu svo fátt eitt sé talið. Þá hefur útgáfa fræðsluefnis verið ríkuleg undanfarin ár en alls eru komnir út 21 fræðslubæklingar og sex bækur.

Fræðsluefnið hafa ADHD samtökin látið öllum almenningi, opinberum stofnunum og fagfólki í té, þeim að kostnaðarlausu. Mikil spurn er eftir fræðsluefninu um allt land og hafa ADHD samtökin sinnt öllum fyrirspurnum þar að lútandi og bera allan kostnað vegna þessa.

Eitt af aðalhlutverkum ADHD samtakanna er hagsmunagæsla og þannig reyna samtökin að hafa áhrif á ákvarðanir stjórnvalda er varða hagsmuni barna, unglinga og fullorðna með ADHD, ekki síst sem snúa að skóla- og

heilbrigðisþjónustu fyrir þennan hóp. Þá beita ADHD samtökin sér markvisst fyrir upplýsandi og faglegru umfjöllun fjölmiðla um málefni fólks með ADHD, bæði með greinaskrifum, viðtölum og upplýsingagjöf.

Sem aðildarfélag ÖBÍ taka samtökin einnig þátt í hagsmunagæslu öryrkja og sjúkra á Íslandi. Fulltrúar ADHD samtakanna sitja í stjórn bandalagsins og eiga samtökin fulltrúa í fjölda málefna- og starfshópa bandalagsins.

ADHD samtökin eru stoltir stofnfélagar ráðgjafamiðstöðvarinnar Sjónarhóls.

Mikil gróska hefur verið í félagsstarfinu síðastliðin ár og leita fjölmargir til samtakanna daglega. Má þar helst nefna foreldra/forráðamenn barna og unglunga með ADHD, fullorðna með ADHD og fagfólk sem gjarnan starfar í félags- og skólaþjónustu eða heilbrigðisþjónustu.

Starfsemin flokkast undir 1. þjónustustig skv. skilgreiningum í skýrslu félags- og tryggingamálaráðuneytisins 2008 um hvernig bæta megi þjónustu við börn og unglunga með ADHD. Á þeim grunni hafa verið gerðir samningar við ráðuneyti velferðarmála á liðnum árum.

Stofnanir sveitarfélaga og ríkis sem og fagfólk vísa skjólstæðingum sínum til að sækja fræðslu og leiðsögn hjá samtökunum. Þau hafa sinnt fræðsluhlutverki bæði til handa uppeldismenntuðu fólki og foreldrum og þannig stutt við forvarnarstarf sem örugglega á sinn þátt í að draga úr þörf fyrir tilvísanir á stofnanir á 2. og 3. þjónustustigi. Jafnframt hafa samtökin átt þátt í þróun nýrra úrræða, fræðsluefnis og námskeiða.

Mikið og gott samstarf er við önnur Norræn ADHD samtök og funda þau reglulega um sameiginleg málefni. Þá eru samtökin aðili að ADHD Europe, Evrópusamtökum fólks með ADHD og ADHD world congress.

Helstu verkefni ADHD samtakanna:

Bókasafn: Samtökin lána bækur til félagsmanna sinna og fagfólks þeim að kostnaðarlausu.

Ráðgjöf og upplýsingar: Samtökin veita ráðgjöf í síma og á skrifstofu til foreldra, fullorðinna og fagfólks. Þá halda samtökin úti efnismikilli heimasíðu, sjó virkum Facebook síðum og standa fyrir ýmsum spjallhópum á netinu til að miðla upplýsingum og veita ráðgjöf.

Fræðslunámskeið fyrir aðstandendur barna og unglunga: Samtökin standa reglulega fyrir námskeiðum þar sem foreldrar og nánir aðstandendur fá hnitmiðaða og sérsniðna fræðslu um ADHD frá sérfræðingum. Námskeiðið er 10 klst. og hefur einnig verið í boði í fjarfundi fyrir landsbyggðina.

Taktu stjórnina: Fræðslunámskeið fyrir fullorðna með ADHD. Markmið námskeiðsins er fræðsla um ADHD ásamt því að styrkja þátttakendur í að ná tökum á eigin ADHD og veita þeim ákveðin tæki til að líða betur með ADHD í daglegu lífi.

Áfram veginn: Fjarfundarfræðslunámskeið fyrir fullorðna með ADHD. Markmið námskeiðsins er fræðsla um ADHD ásamt því að styrkja þátttakendur í að ná tökum á eigin ADHD og veita þeim ákveðin tæki til að líða betur með ADHD í daglegu lífi.

Áfram stelpur!: Fræðslunámskeið fyrir konur með ADHD. Farið er sérstaklega yfir þær áskoranir sem konur með ADHD standa frammi fyrir og unnið að því að styrkja þær í daglegu lífi. Veitt er fræðsla um ýmis hagnýt verkfæri og veitt þjálfun í að nota þau gegnum samtöl og verkefnavinnu.

TíA – tómsundur, Íþróttir og ADHD: Fræðslunámskeið fyrir þjálfara og starfsfólk íþróttafélaga, tómsundamiðstöðva og skóla um samskipti og samstarf við börn með ADHD.

ADHD og Ég: Kynjaskipt fræðslu og sjálfsstyrkingarnámskeið fyrir börn og unglunga með ADHD – annarsvegar 10-12 ára og hinsvegar 13-15 ára.

ADHD og skólinn: Fjölbreytt fjarfundarnámskeið fyrir kennara og starfsfólk grunnskóla um uppbyggjandi skólustarf með börnum með ADHD. Markmið námskeiðsins er að fræða skólaumhverfið um ADHD, áhrif þess á líðan og hegðun barna á grunnskólaaldri og leiðbeina um ýmis hagnýt og gagnreynd ráð sem nýta má í uppbyggilegu skólustarfi með börnum með ADHD.

Understanding ADHD: Fjarfundarnámskeið fyrir enskumælandi fólk með ADHD og aðstandendur barna með ADHD.

Fjármál og ADHD: Stutt fjarnámskeið með aðferðum sem virka fyrir fólk með ADHD.

Rafíþróttir og ADHD: Rafíþróttanámskeið fyrir börn og unglunga í samstarfi við rafíþróttadeild Fylkis.

Minecraft og tölvuleikjagerð: Námskeið í Tölvuleikjagerð og Minecraft fyrir 7-10 ára börn með ADHD.

Spjallfundir: Samtökin standa fyrir reglulegum spjallfundum í hverjum mánuði – tvisvar í mánuði í Reykjavík og einu sinni í mánuði á Akureyri, Austurlandi, Suðurlandi, Vesturlandi, Suðurnesjum og í Vestmannaeyjum. Þar eru tekin fyrir ákveðin málefni er varða ADHD. Spjallfundirnir eru ókeypis og standa öllum til boða.

Fræðslufundir: Samtökin standa fyrir reglulegum fræðslufyrirlesturum á Facebook auk a.m.k. tveggja opinna fræðslufunda á ári hverju um ýmis málefni er varða ADHD.

Málþing: Samtökin hafa undanfarin ár staðið fyrir málþingum í lok októbermánaðar. Umfjöllunarefni eru málefni er varða ADHD og er hvert ár tengt ákveðnu þema. Erlendir fyrirlesarar með sérþekkingu á ADHD og annað fagfólk sérhæft í umfjöllunarefni hverju sinni deila þekkingu sinni og reynslu.

Vitundarmánuður: Samtökin hafa staðið fyrir árlegri vitundarvakningu í tilefni af Alþjóðlegum ADHD vitundarmánuði í október ásamt því að selja endurskinsmerki sem lið í fjáröflun samtakanna.

Lífið með ADHD – Hlaðvarp ADHD samtakanna: Í hlaðvarpi ADHD samtakanna, fær Bóas Valdórsson til sín góða gesti sem segja frá lífi sínu með ADHD. Hlaðvarpið er aðgengilegt á RUV.is, adhd.is og í öllum helstu hlaðvarpsveitum.

Samfélagsmiðlar: Samtökin starfrækja sjö Facebook síður (útibúin og aðalsíðan) og eina Instagram síðu og koma auk þess með virkum hætti að starfi sjö öflugra Facebook hópa um ýmis málefni.

Fréttabréf: Samtökin senda reglulega frá sér, rafrænt fréttabréf um það sem er helst á döfinni.

Útgáfa fræðsluefnis: Samtökin standa fyrir útgáfu ýmissa bæklinga. Fræðslubæklingar sem gefnir hafa verið út eru 21 talsins: Hvað er ADHD? (almennur fræðslubæklingur um ADHD), What is ADHD? (sami bæklingur á ensku), Co To Jest? (sami bæklingur á pólsku), ADHD utan skólastofunnar (ætlaður öllu starfsfólki grunnskólanna), Börn & ADHD, Children with ADHD (sami bæklingur á ensku), Dzieci i ADHD (sami bæklingur á pólsku), Stúlkur & ADHD, Unglingar & ADHD, Teemagers and ADHD (sami bæklingur á ensku), MŁODZIEŻ Z ADHD (sami bæklingur á pólsku), Fullorðnir & ADHD, Adults and ADHD (sami bæklingur á ensku), Dorosli i ADHD (sami bæklingur á pólsku), Náin sambönd & ADHD, Afbrot & ADHD, Ha, ertu að tala við mig? (Sjálfs hjálparbæklingur fyrir eldri börn og unglunga og ADHD), Systkini og ADHD og Atvinna og ADHD, ADHD IN THE WORKPLACE (sami bæklingur á ensku) og PRACA I ADHD (sami bæklingur á pólsku).

Útgáfa bóka: Samtökin bjóða til sölu umtalsvert magn bóka um ADHD og skyldar raskanir á vef samtakanna og koma ADHD samtökin nú beint að útgáfu sex rita: ADHD og farsæl skólaganga (2013 í samvinnu við Námsgagnastofnun. Endurútgafið 2015), Hámarksárangur í námi með ADHD + verkefnabók (2008 í samvinnu við Sigrúnu Harðardóttur og Tinnu Halldórsdóttur), Leynardómar heilans – Láttu verkin tala [2014], Leikskólar og ADHD [2015], Ferðalag í flughálfu – Unglingar og ADHD [2017] og Elli – dagur í lífi drengs með ADHD (frumsaminn íslensk barnabók) [2020].

Landsbyggðin: Samtökin hafa staðið fyrir fræðslu og námskeiðahald um ADHD á landsbyggðinni og ýtt undir stofnun útibúa úti á landi. Samtökin eru komin með útibú á Akureyri, Austurlandi, Suðurlandi, Suðurnesjum, Vesturlandi og Vestmannaeyjum sem rekin eru að mestu í sjálfboðavinnu. Þar eru m.a. haldnir spjallfundir einu sinni í mánuði og eru þeir endurgjaldslausir og öllum opnir. Endilega hafðu samband við okkur ef þú vilt koma að slíku starfi í þinni heimabyggð.

Verktakar/sjálfboðaliðar: Samtökin nýta þjónustu verktaka við námskeiðahald og fyrirlestra og leita þá til sérfræðinga á þeim sviðum sem um ræðir. Sálfræðingar, geðlæknar, ADHD markþjálfar, félagsfræðingar, kennarar og aðrar slíkar fagstéttir eru þar ráðandi en hópurinn tekur reglulega breytingum. Nánar má fræðast um umsjónarfólk námskeiða samtakanna hverju sinni á heimasíðu samtakanna adhd.is

Menntun og hæfi starfsfólks: Hjá samtökunum vinna í dag fimm starfsmenn. Hrannar Björn Arnarsson, framkvæmdastjóri, MBA. Hrannar sér um daglegan rekstur, mannauðsmál, fjármál og áætlanagerð og ber ábyrgð á starfsemi gagnvart stjórn. Elín H Hinriksdóttir, sérfræðingur, MED, sérkennari og sérfræðingur í málefnum fólks með ADHD. Elín er sérfræðingur samtakanna í málefnum fólks með ADHD og hefur yfirumsjón með gæðum námskeiðahalda og fræðsluefnis. Paula Newman, verkefnastjóri fræðslumála, sálfræðingur og markþjálfari. Paula hefur umsjón með námskeiðahaldi og fyrirlestrum samtakanna ofl. Guðni Rúnar Jónasson, verkefnastjóri á skrifstofu, umhveris- og skipulagsfræðingur. Guðni hefur yfirumsjón með daglegum rekstri skrifstofu auk samskipta við félagsfólk samtakanna. Sindri Freyr Ásgeirsson, verkefnastjóri upplýsingamála, stjórn málafræðingur. Sindri Freyr hefur yfirumsjón með upplýsingamálum samtakanna.

Innra eftirlit: Allt bókhald er fært og endurskoðað af APAL bókhaldsstofu. Öll erindi til samtakanna eru skráð og flokkuð af starfsfólki samtakanna og eftir hvert námskeið er unnin gæðakönnun meðal þátttakenda. Afrakstur þessa alls er lagður fyrir stjórn með reglulegum hætti.

Samstarfsaðilar: Samtökin hafa reglulega fengið styrki frá Félags- og vinnumarkaðsráðuneytinu (til tveggja ára núna), Heilbrigðisráðuneytinu (verkefnatengt), ÖBÍ og Reykjavíkurborg (nú í fyrsta sinn til þriggja ára). Auk þess hafa samtökin unnið með fjölda sveitarfélaga og/eða stofnanna sveitarfélaga með einstök námskeið eða fræðslu. Þjónusta samtakanna í formi fræðslubæklinga oþh stendur öllum opin án endurgjalds.

Vilhjálmur Hjálmarsson formaður ADHD
Hrannar B. Arnarsson framkvæmdastjóri ADHD